

同文館唱和詩

詳校官中書臣張經田

助教臣常循覆勘

總校官中書臣朱 鈐

校對官助教臣胡子襄

膳錄監生臣鍾廷瑛

欽定四庫全書

同文館唱和詩卷六

宋 鄧忠臣等 撰

慎思說家山之勝用其語得詩

蔡肇

江清石磊磊野曠竹修修此地有茅屋我行尋白鷗分
留須物色來往更風流相對黃塵夢詩成擁鼻謳

鄧忠臣

野橋隨岸架茅屋依林脩木落吟霜狖雲晴舞雪鷗山
屏當戶列瀑布入溪流只合樵歌唱何因得蔡謠

寄次張弟

鄧忠臣

貓頭竹葉細檀欒新筍如椽日滿盤寄語兒童莫多取
來春從上萬餘竿

蔡肇

南山千畝龍蛇窟半夜春雷起屈盤欲釣六鼇滄海去

為留春筍作長竿

嘲無咎夜起明燈聽慎思詩

張耒

翠屏香煖秋眠穩
霜冷寶奩金錯刀
誰信苦吟無睡客
挑燈起聽楚人騷

和文潛嘲無咎夜起明燈誦予詩

鄧忠臣

參橫月轉與天高
歸士飛心憶大刀
故作楚吟排滯思

吟成風葉更蕭騷

曹輔

秋風落盡千林葉
恰似并州快剪刀
香冷洞房歸未得
一窓明月讀離騷

奉答文潛戲贈

倦游年少憶安巢
歸夢嘗慚斷織刀

樂羊子游學來歸妻何氏引刀趨機

曰君損失成功猶斷斯織也

老去周顒雖有婦
黃經對几夜騷騷

蔡肇

鄧子詞鋒魯孟勞
荆鍾剗玉盡鉛刀
風流陶謝枝梧困
擊節期君僕命騷

鄧忠臣

拚老工詩恨不高
苦心錯玉與礮刀
正如天祿秋風夜
剔盡寒燈著廣騷

再謝周顥之句

張耒

烟飛小玉吳王國
柳暗朱樓鐵甕城
見說周顥經案外

亦聞荀粲并牀聲

鄧忠臣

眼看秋雁歌汾水
心到陽關唱渭城
却被維摩居士笑
海潮音作斷腸聲

秋日照歌淮上舫
春花引醉福昌城
何如閭闔門西北
卧聽秋風枕畔聲

小詩戲無咎

蔡肇

吳山楚水未忘懷
暮雨朝雲恨已乖
縱免摩伽能毀戒
未妨澤室會千齋

鄧忠臣

文書盈几法筵埋香火
秋來願稍乖得似鹿門攜手去
定隨繡佛鎮長齋

己未年春與伯時較試南宮
同年被命者六人今
茲西館唯同伯時一人而已
因書奉呈

鄧忠臣

十載京師五校文並游多已據通津再來更鎖城西館
檢點同年只一人

李公麟

憶鎖南宮會友文天梯相攝看雲津白頭笑我成今日
青眼逢君尚昔人

中秋月

鄧忠臣

寂寥無聲月亭午蟾蜍通津墮清露明星爛爛今何稀

美人熒熒隔煙霧

晁補之

秋風吹空雁旁午長天無雲月呈露為須清曉照清尊
莫遣中霄生薄霧

曹輔

空谷秋寒同子午白月紛紛洗清露遙想燈花結夜愁
鬱金斗帳香如霧

與文潛無咎對榻夜話達旦

鄧忠臣

書窓燈火夜深明
窓外蕭蕭雨葉聲
對榻不眠談往事
紉如五鼓過嚴城

張耒

燈花昨夜已分明
更聽朝簷喜鵲聲
明日朱門閉空館
秋風駿馬大梁城

晁補之

疎林小雨月籠明
商頌琅琅夜半聲
鄧子弓強殊未發

欲馳桑本犯堅城

蔡肇

窮秋天氣少晴明
雨葉風窓夜夜聲
應為幽人聽未足

不教驄馬出重城

時已奏號而御史
不至遂留一夕

不其樂哉出重城
不其樂哉出重城
不其樂哉出重城
不其樂哉出重城
不其樂哉出重城
不其樂哉出重城
不其樂哉出重城
不其樂哉出重城
不其樂哉出重城
不其樂哉出重城

恭聖

同文館唱和詩卷六

欽定四庫全書

同文館唱和詩卷七

宋 鄧忠臣等 撰

初伏大雨戲呈無咎

張耒

初伏炎炎坐湯釜長安行人汗沾土誰傾江海作清涼
玄雲駕風橫白雨補陀真人甘露手能使渴乏厭膏乳
且欲當風展簟眠敢辭避漏移牀苦清貧學士卧陶齋